

無錫國學專修學校叢書之十三

性理學大義

冊下

太倉唐文治著

無錫國學專修學校叢書之十三

性理學大義

下冊

太倉唐文治著

民國二十五年五月十五日出版

性理學大義（下冊）

全二冊 實價一元二角



著者 太倉唐文治

發行者 無錫國學專修學校

無錫城內西溪唐宅

印刷者 民生印書館

無錫光復路

朱子大義自敘

昔人選朱子文集者。有康熙時桐城周大璋所編朱子古文。秀水杜庭珠所輯朱子文鈔。大率以古文法評之。重於文而不重於道。張清恪公選朱子文集。重於道矣。顧略病其繁冗。未可爲講本也。文治幼年曾購金陵局刻朱子大全一百卷。又續集十一卷。別集十卷。假先師王文貞公圈點本臨讀之。並錄陸清獻公讀朱隨筆及吳竹如先生評語於上方。癸亥歲。爲國學館生講朱子大義。乃詳加選錄。擇其尤精者著於篇。昔子貢之贊孔子曰。夫子之牆數仞。不得其門而入。不見宗廟之美。百官之富。得其門者。或寡矣。見其禮而知其政。聞其樂而知其德。由百世之後。等百世之王。莫之能違也。嗚呼。盛矣哉。朱子之書。猶夫子之宮牆也。其義理之精博。而純粹猶宗廟之美。百官之富也。百世而下。儒林之士。講求道學。誦習師法。莫之能違也。吾欲溯其源。而其源卒不可尋也。吾欲比其類。而其類卒不可分也。蓋讀之數十年。覺其千門萬戶。曲折紛綸。在前在後。而卒不得入也。嗚呼。盛矣哉。蓋其畢生精力。窮極乎天人性命之原。博綜乎詩書易象之奧。聖功王道。物理人情。靡不兼賅。而洞矚焉。故其所言。

要。皆。本。平。居。之。心。得。閱。歷。由。中。而。出。自。然。以。宣。乃。能。質。諸。鬼。神。而。無。疑。百。世。以。俟。聖。人。而。不。惑。後。學。者。乃。欲。以。管。窺。之。尋。章。摘。句。而。輕。議。其。是。非。庸。有。當。乎。然。則。德。性。問。學。之。殊。早。年。晚。年。之。論。何。必。若。是。其。紛。紛。哉。易。傳。曰。知。至。至。之。可。與。幾。也。知。終。終。之。可。與。存。義。也。孟。子。曰。始。條。理。者。智。之。事。也。終。條。理。者。聖。之。事。也。凡。聖。賢。所。得。力。之。學。問。自。始。至。終。有。必。由。之。階。梯。晚。年。之。論。固。當。篤。信。卽。早。年。者。豈。必。爲。未。定。之。論。耶。竊。謂。爲。朱。子。之。學。者。惟。有。尙。志。居。敬。以。植。其。本。致。知。格。物。以。會。其。通。天。德。王。道。以。總。其。全。盡。性。至。命。以。要。其。極。庶。幾。仁。者。見。仁。智。者。見。智。於。先。賢。之。道。德。文。章。或。能。見。其。涯。涘。乎。賢。者。識。其。大。者。不。賢。者。識。其。小。者。道。統。之。續。蓋。必。有。所。傳。矣。顧。瞻。後。進。跂。予。望。之。癸。亥。春。三。月。後。學。唐。文。治。謹。敘。

朱子大義目錄

卷一

行狀

壬午應詔封事

庚子應詔封事

甲寅行宮便殿奏劄

乞修三禮劄子

卷二

與陳侍郎書

與留丞相書

答汪尙書

答汪尙書

與張欽夫

答張敬夫

答張欽夫

與湖南諸公論中和第一書

答張欽夫

答張欽夫

卷二

答張敬夫

答張敬夫

答張敬夫

答張敬夫孟子說疑義

答張欽夫論仁說

又論仁說

又論仁說

又論仁說

答呂伯恭

答陸子美

與陳同甫

答陳同甫

答陳同甫

卷四

與范直閣

答袁機仲
樞

答江元適
永

答江元適
永

答許順之

朱子大義目錄

答何叔京

答胡廣仲

答胡廣仲

答胡廣仲

答胡廣仲

卷五

答吳晦叔

答蔡季通

答胡寬夫

答吳德夫

答廖子晦

答劉叔文

答胡伯逢

答黃直卿

答呂子約

答呂子約

答王子合

答林伯和

答黃子耕

答萬正淳

卷六

答姜叔權

答胡季隨

答項平父

答項平父

答路德章

朱子大義目錄

六

答路德章

答黃道夫

答徐子融

答陳器之

答林正卿

答汪叔耕

答孫仁甫

答江彥謀

答或人

答或人

答江隱君

卷七

讀書之要

已發未發說

觀心說

仁說

開阡陌辨

學校貢舉私議

玉山講義

卷八

易五贊

詩集傳序

論孟集義序

大學章句序

中庸章句序

程氏遺書後序

朱子大義目錄

書近思錄後

中和舊說序

資治通鑑綱目序

楚辭集注序

張南軒文集序

克齋記

復齋記

瓊州學記

邵武軍學丞相隴西李公祠記

韶州州學濂溪先生祠記

鄂州州學稽古閣記

跋黃仲本朋友說

朱子大義卷一

後學唐文治輯述

朱子行狀

門人黃榦撰

曾祖絢不仕妣汪氏

祖森承事郎妣程氏孺人

父松承議郎守尙書吏部員外郎兼史館校勘贈通議大夫妣祝氏碩人

本貫徽州婺源縣永平鄉松巖里

先生姓朱氏。諱熹。字仲晦。朱氏爲婺源著姓。以儒名家。世有偉人。父吏部公甫冠擢進士第。入館爲尙書郎。兼史事。以不附和議去國。文章行義爲學者師。號韋齋先生。有文集行於世。吏部公因仕入閩。至先生始寓建之崇安五夫里。今居建陽之考亭。先生以建炎四年九月十五日午時生南劍尤溪之寓舍。幼穎悟莊重。甫能言。韋齋指天示之曰。天也。問曰。天之上何物。韋齋異之。就傳授以孝經。一閱通之。題其上曰。不若是。非人也。嘗從羣兒戲沙上。獨端坐。以指畫沙。視之八卦也。少長勵志聖賢之學。於舉子業初不經意。年十八貢於鄉。登紹興

十八年進士第。以左迪功郎主泉州同安簿。莅職勤敏。纖悉必親。郡縣長吏事倚以決。苟利於民。雖勞無憚。職兼學事。選邑之秀民充弟子員。訪求名士。以爲表率。日與講說聖賢。修己治人之道。年方踰冠。聞其風者。已知學之有師而尊慕之。歷四考罷歸。以奉親講學爲急。二十八年。請奉祠。監潭州南嶽廟。明年。召赴行在。言路有託抑奔競以阻之者。遂以疾辭。三十二年。祠秩滿。再請。孝宗卽位。復因其任。會有詔求直言。因上封事。其略言。聖躬雖未有闕失。而帝王之學。不可以不熟講。朝廷雖未有闕遺。而修攘之計。不可以不早定。利害休戚。雖不可徧以疏舉。然本原之地。不可以不加意。陛下毓德之初。親御簡策。不過訓誦文字。吟詠情性。比年以來。欲求大道之要。又頗留意於老子釋氏之書。記誦詞藻。非所以探淵源而出治道。虛無寂滅。非所以貫本末而立大中。帝王之學。必先格物致知。以極乎事物之變。使義禮所存。纖悉畢照。則自然意誠心正。而可以應天下之務。次言今日之計。不過修政事。攘寇敵。然計不時定者。講和之說疑之也。金寇與我有不共戴天之讎。則不可和也。義理明矣。知義理之不可爲而猶爲之。以有利而無害也。以臣策之。有百害而無一利。何苦而必爲之。願疇咨大臣。總攬羣策。鑒失之由。求應之之術。斷以義理之公。參以利害之實。閉關絕約。任賢

使能立紀綱。厲風俗。使吾修政攘敵之外。了然無一毫可恃。以爲遷延中已之資。而不敢懷頃刻自安之意。然後將相軍民。無不曉然知陛下之志。更相激厲。以圖事功。數年之外。志定氣飽。國富兵強。視吾力之強弱。觀彼釁之淺深。徐起而圖之。中原故地。不爲我有。而將焉往。次言四海利病。繫斯民之休戚。斯民休戚。繫守令之賢否。監司者守令之綱。朝廷者監司之本。欲斯民之得其所。本原之地。亦在朝廷而已。今之監司。姦賊狼藉。肆虐以病民者。莫非宰執臺諫之親舊賓客。其已失勢者。旣按見其交私之狀。而斥去之。尙在勢者。豈無其人。顧陛下無自而知之耳。明年改元隆興。復召辭。不許。卽入對。其言大學之道。在乎格物以致其知。蓋有是物。必有是理。然理無形而難知。物有迹而易觀。故因是物以求之。使其理了然於心目之間。而無毫髮之差。則應乎事者。自無毫髮之謬。陛下雖有生知之性。高世之行。而未嘗隨事以觀理。故天下之理。多所未察。未嘗卽理以應事。故天下之事。多有未明。是以舉措之間。動涉疑貳。聽納之際。未免蔽欺。平治之效。所以未著。由不講乎大學之道。而溺心於淺近虛無之過。其二言君父之讎。不與共戴天。乃天之所覆。地之所載。凡有君臣父子之性者。發於至痛。不能自己之同情。而非專出於一己之私。然則今日所當爲者。非戰無以復讎。非

守無以制勝。是皆天理之同。而非人欲之私忿也。末言古先聖王制御夷狄之道。其本不在乎威強。而在乎德業。其任不在乎邊境。而在乎朝廷。其具不在乎兵食。而在乎紀綱。今日諫諍之塗。尙壅。佞幸之勢。方張。爵賞易致。而威罰不行。民力已殫。而國用未節。則德業未可謂修。朝廷未可謂正。綱紀未可謂立。凡古先聖王所以強本折衝。威制遠方之道。皆未可謂備。三劄所陳。不出封事之意。而加剴切焉。先生以謂制治之原。莫急於講學。經世之務。莫大於復讎。至於德業成敗。則決於君子小人之用舍。故於奏對復申言之。蓋學有定見。事有定理。而措之於言者如此。除武學博士待次。乾道改元。促就職。既至。以時相方主和議。請監南嶽廟以歸。三年。差充樞密院編修官待次。五年。三促就職。會魏掞之以布衣召爲國子錄。因論曾覲而去。遂力辭。先生嘗兩進絕和議抑佞幸之戒。言既不行。雖擢用狎至不敢就。出處之際。凜然有不可易者。尋丁內艱。六年。復召。以未終喪辭。七年。既免喪。復召。以祿不及養辭。四年之間。辭者六。九年。有旨安貧守道。廉退可嘉。特改令入官。主管台州崇道觀。先生以改秩畀祠。皆進賢賞功。優老報勤之典。今無故驟得之。求退得進。於義未安。再辭。淳熙元年。又再辭。上意愈堅。始拜命。改宣教郎奉祠。二年。除祕書郎。先生以改官之命。正以嘉其廉退。今